

Bi 2024 Gvangjsih Gauhgauj Gauj Sat

6 nyied 9 hauh, youq Liuycouh Si Yungzsuij Myauzcuz Swciyen Cunghyoz, gyoengq lwghag angq hemq gauhgauj gauj sat lo. Ngoenzde, riengz dwk swnghvuz yozgoh gauj sat, Gvangjsih 38.9 fanh lai boux lwghag gauj sat "aen gaujsi hung seiqvunz", bi 2024 gauhgauj gih raeuz couh roengzmuq lo.

(龙涛/Lungz Dauh)



▲Lwghag gaujsi sat le, angqyangz naengh ci dauqma.



▲Gyoengq lwghag gauj sat le vut va angq hema.

Aen Hoih Doicaenh Hong Souyo Yijyen Vwnzva Siujsoq Minzczu Gvangjsih Ciuhai

6 nyied 6 hauh, Gvangjsih Minzczu Yenzgiu Cunghsinh ciuhai aen hoih doicaenh hong souyo yijyen vwnzva siujsoq minzczu Gvangjsih. Bouxdawzrap gak aen siujcuq goqdaez caeuq cwngzyenz guh gij hong neix, gij vunz mizgven laeng aen danhvei de gungh 20 vunz camgya aen hoih.

Bouxconghyah gaisau buek sawgauj yijyen siujsoq minzczu laeng ndaw 《Gij Souyo Yijyen Vwnzva Cunghgoz》, doengbauq gij sawgauj 《Dauq Saw Souyo Yijyen Vwnzva Siujsoq Minzczu Gvangjsih》saemjdoeg caeuq gaj ndaej baenzlawz yiengh, ingj, loeg caeuq yenzgiu miz maz daegdiemj daengj. Caemhcai q daezok yigen dazyinx gyoengqvunz baijbouh biencieng, guh dijli, dingheinj diuzmoeg, ingj mbawdoz, gejnaeuz neiyungz daengj. Gak aen siujcuq goqdaez lij bauq gyoengqde guh ndaej gijmaz hong, miz maz hojnanz, dwg vih gijmaz, baezlaeng yaek baenzlawz guh.

Aen hoih giengzdih, gak cuj aeu gaijndei caeuq guh caez fuengfap, banhfap bae guhhong, maenhsaed daj ndaej giekdaj. Aeu gibseiz roi ndei, faen loih, hauh coh caeuq geiqloeg doengh gij doz caeuq yinhsibinz ra ma haenx. Guhhong daegbied dwg guh gisuz lumjbaenz ingj, raed, bien gij doz caeuq yinhsibinz, aeu ra boux rox guh daeuj bang. Yaek guh vaiqdi, gibseiz guh sat, youh guh ndaej ndei, roengzrengz dajcauh aen hanghmoeg souyo yijyen vwnzva siujsoq minzczu Gvangjsih baenz gaiqak.

Daj bi 2021 doxdaeuj, Gvangjsih Minzczu Yijvwnz Yenzgiu Cunghsinh couh cujci guh gij hong souyo yijyen vwnzva siujsoq minzczu Gvangjsih. Seizneix gaenq guh le 7 aen hanghmoeg: Mauznanzij Vanzgyangh, Vahcuengh Vujmingz, Menjij Ginhui, Yizij Lungzlinz, Myauzij Yungzsuij, Vahcuengh Ningzmingz, Ginghyij Dunghhingh. Doengh aen hanghmoeg neix diucaz soura liux le, yaek gug bi doxgyonj okbanj 《Dauq Saw Souyo Yijyen Vwnzva Siujsoq Minzczu Gvangjsih》.

(韦超/Veiz Cauh)

Nanzningz "Ngoenz Vwnzva Caeuq Swh-yenz Yizcanj" Miz Hozdung Lai Yiengh



▲Hekyouz yawj gij faenjlauxyoux camgya doxdax haenx.

6 nyied 8 hauh, bi 2024 "ngoenz vwnzva caeuq swh-yenz yizcanj" aen hozdung langhbaj lwnghangj feihyiz Nanzningz Si youq aen Diegbaeyouz Cingh-siusanh haiguh. Yienhciengz cawz ok doxdax dinfwngz guh faenjlauxyoux, lij miz Heiq-nanzningz, Fwenleuxloz daengj feihyiz biujyenj, caemhcai q miz aen haw feihyiz, hozdung yenzhag daengj. Haujlai vunz daiq lwg guh bauhom ngux nyied co'ngux, aeu dangz guh veh daengj, daejniemh yiengh-ndei daegbied feihyiz.

(喻湘泉/Yi Sienghczenz)

Mungzsanh: Ruzlungz Doxdax Gvaq Ngux Nyied Co'ngux

6 nyied 10 hauh, youq gwnz Dahmeizgyangh laeng Vuzcouh Si Mungzsanh Yen, 6 aen doih ruzlungz dieg de youq gwnz dah mwngz gyaep gou boenq, ciengj gonq lau laeng. Ngoenzde, Mungzsanh Yen guh gaiq daih' it ruzlungz doxdax. Henz dah, gwnz giuz, cungj dwg vunz comzyawj, mbangj boux hemq ndei, mbangj boux ingj siengq, gig nauhyied.

(蔡中杰/Cai Cunghgez 周火文/Couh Hojvwnz)



▲Doengh aen doih ruzlungz doxciengj baegonq.